



Broj: JN1-03-16-7-23-14/24  
Sarajevo, 04.11.2024. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" br. 39/14, 59/22 i 50/24) Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za javnu nabavku iz Zapisnika o pregledu i ocjeni ponuda, broj: JN1-03-16-7-23-13/24 od 30.10.2024. godine, u postupku nabavke službenih vozila za potrebe Parlamentarne skupštine Bosne i Hercegovine, vođenom kao otvoreni postupak javne nabavke, Kolegij Sekretarijata Parlamentarne skupštine Bosne i Hercegovine donosi:

## ODLUKU O IZBORU NAJPOVOLJNIJEG PONUDAČA

### I

Prihvata se preporuka Komisije za javnu nabavku iz Zapisnika o pregledu i ocjeni ponuda, broj: JN1-03-16-7-23-13/24 od 30.10.2024. godine i Ugovor za nabavku službenih vozila za potrebe Parlamentarne skupštine BiH, dodjeljuje se ponuđaču AC QUATTRO d.o.o. Sarajevo, ul. Put života broj 1, 71 000 Sarajevo, IDB 4200018440001, čija ukupna cijena ponude za četiri službena vozila marke Škoda Superb, tip Selection, 2.0 TDI, DSG 4x4, model: NZD6Z24, sa zahtjevanom opremom, prema Ponudi, broj: 701/2024 od 28.10.2024. godine, iznosi 418.400,00 KM sa uračunatim PDV-om, odnosno 357.606,84 KM bez PDV-a.

### II

Izabrani ponuđač je u okviru ponude dostavio uredne i potpune dokaze o kvalificiranosti po članu 45. stav (1) tač. a) do d) Zakona o javnim nabavkama, prema tački 11.2. Tenderske dokumentacije za nabavku službenih vozila za potrebe Parlamentarne skupštine BiH, broj: JN1-03-16-7-23-7/24 od 12.09.2024. godine, te se, u skladu s Mišljenjem Agencije za javne nabavke, broj: 03-02-1-3058-2/19 od 20.11.2019. godine, oslobađa te obaveze po donošenju ove odluke.

### III

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena, a po prethodno pribavljenom mišljenju Pravobranilaštva BiH.

### IV

Ova Odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđaču koji je učestvovao u postupku javne nabavke, shodno čl. 70. stav (6) i 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke službenih vozila za potrebe Parlamentarne skupštine Bosne i Hercegovine, broj: JN1-03-16-7-23/24 od 02.09.2024.godine. Ukupna procijenjena vrijednost nabavke iznosila je 420.000,00 KM sa PDV-om. Komisija za nabavke imenovana je Rješenjem Kolegija Sekretarijata, broj: JN1-03-16-7-23-1/24 od 02.09.2024. godine. Javna nabavka provedena je putem otvorenog postupka nabavke. Tenderska dokumentacija, broj: JN1-03-16-7-23-7/24 od 12.09.2024. godine, objavljena je u sistemu „E-nabavke“, kao i Obavještenje o nabavci, broj: 166-1-1-26-3-49/24 od 12.09.2024. godine, dok je Sažetak Obavještenja o nabavci objavljen u „Službenom glasniku BiH“, broj: 63/24 od 20.09.2024. godine. Za predmetnu nabavku na Portalu javnih nabavki objavljena je izmjena Tenderske dokumentacije, broj: JN1-03-16-7-23-10/24 od 30.09.2024. godine. Za navedenu izmjenu, obzirom da nije sadržavala bitne promjene uslova predmetne nabavke nije objavljivanja ispravka obavještenja o nabavci na Portalu javnih nabavke. Tendersku dokumentaciju za nabavku četiri službena vozila za potrebe Parlamentarne skupštine BiH iz sistema “E-nabavke” na dan 30.10.2024. godine,preuzelo je ukupno trinaest ponuđača a izmjenu tenderske dokumentacije preuzela su dva ponuđača.

Do termina zakazanog za predaju ponuda odnosno do 30.10.2024. godine do 12:00 sati pristigla je jedna ponuda i to:

Redni broj zaprimanja ponuda	Naziv i sjedište ponuđača
1.	AC QUATTRO d.o.o. Sarajevo, ul. Put života 1, 71 000 Sarajevo

Komisija za javnu nabavku izvršila je javno otvaranje ponude i evaluaciju iste, o čemu je sastavljen Zapisnik o zaprimanju ponuda, broj: JN1-03-16-7-23-11/24 od 30.10.2024. godine, Zapisnik o otvaranju ponuda, broj: JN1-03-16-7-23-12/24 od 30.10.2024. godine i Zapisnik o pregledu i ocjeni ponuda, broj: JN1-03-16-7-23-13/24 od 30.10.2024. godine, sa preporukom o izboru najpovoljnijeg ponuđača.

Zapisnikom o pregledu i ocjeni ponuda konstatovano je da je u toku evaluacije Komisija utvrdila sljedeće:

- da je ponuda ponuđača AC QUATTRO d.o.o. Sarajevo, broj: 701/2024 od 28.10.2024. godine, prihvatljiva za Ugovorni organ, jer ispunjava sve formalno pravne, lične i tehničko/profesionalne uslove, odnosno zahtjeve ugovornog organa.
- obzirom da je dostavljena jedna prihvatljiva ponuda, u skladu s članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 80/23) predviđena E-aukcija se nije realizirala, kao ni faza vrednovanja i rangiranja prihvatljivih ponuda shodno kriteriju „Najniža cijena“ i rezultatima E-aukcije, te je konstatovano sljedeće:

Ponudač	Marka /tip ponuđenog automobila	Količina	Jedinična cijena s eventualnim popustom bez PDV-a	Ukupna cijena ponude s eventualnim popustom i PDV-om
AC QUATTRO d.o.o. Sarajevo	Škoda Superb, tip Selection, 2.0 TDI, DSG 4x4, model: NZD6Z24	4	89.401,71 KM	418.400,00 KM

Shodno navedenom, Komisija za javnu nabavku preporučila je Kolegiju Sekretarijata (Zapisnik, broj: JN1-03-16-7-23-13/24 od 30.10.2024. godine. u prilogu), da u postupku nabavke službenih vozila za potrebe Parlamentarne skupštine BiH, donese Odluku o izboru najpovoljnijeg ponuđača za ponuđača AC QUATTRO d.o.o. Sarajevo, ul. Put života broj 1, 71 000 Sarajevo, IDB 4200018440001, čija ukupna cijena ponude za četiri službena vozila marke Škoda Superb, tip Selection, 2.0 TDI, DSG 4x4, model: NZD6Z24 sa zahtjevanom opremom, prema Ponudi, broj: 701/2024 od 28.10.2024. godine, iznosi 357.606,84 KM bez PDV-a odnosno 418.400,00 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se ponuđač AC QUATTRO d.o.o. Sarajevo izabere za realizaciju javne nabavke četiri službena vozila za potrebe Parlamentarne skupštine Bosne i Hercegovine putem Ugovora, sa rokom isporuke do 60 dana od dana zaključenja ugovora, te odlučio kao u dispozitivu odluke.

**Pravna pouka:**

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

**Dostavljeno:**

- AC QUATTRO d.o.o. Sarajevo, ul. Put života broj 1, 71 000 Sarajevo
- Sektoru za finansije
- a/a

**KOLEGIJ SEKRETARIJATA:**

**Mirza Imamović** \_\_\_\_\_

**Gordana Živković** \_\_\_\_\_

**Dražen Mustapić** \_\_\_\_\_